

# SREDNJOROČNI PLAN RADA INSTITUCIJE

## Ministarstvo sigurnosti BiH

01.01.2020. - 31.12.2022. godine

### Sadržaj:

Poglavlje 1: Strateški okvir .....	2
Poglavlje 2: Vizija i misija institucije.....	3
Poglavlje 3: Učesnici i partneri.....	3
Poglavlje 4: Osnovna programska opredjeljenja.....	4
Poglavlje 5: Resursi i kapaciteti potrebni za postizanje ciljeva.....	6
Poglavlje 6: Okvir za praćenje provođenja plana i evaluacija rezultata.....	6
PRILOG 1: Akcioni plan Srednjoročnog plana rada institucije	
PRILOG 2: Pregled zakona, drugih propisa i razvojno-investicionih projekata/programa predviđenih Srednjoročnim planom rada institucije	

## Poglavlje 1: Strateški okvir

Počevši od budžetske 2015. godine u primjeni je Odluka o postupku srednjoročnog planiranja, praćenja i izvještavanja u institucijama Bosne i Hercegovine (Službeni glasnik BiH» 62/14), prema kojoj je pripremljen i ovaj Program.

Ovom Odlukom, stvorene su pretpostavke da institucije BiH razvijaju kvalitetniju stratešku osnovu za srednjoročno planiranje i uvezivanje sa budžetom. Opći cilj donošenja Odluke je osiguranje planske osnove za kvalitetno upravljanje razvojem u skladu sa nadležnostima Vijeća ministara i institucija Bosne i Hercegovine. Cilj je također i ukazati na brojne prednosti planiranja ali i na činjenicu da to nije okoštalo sistem koji ne priznaje aktuelnost trenutka, greške u markiranju prioriteta u dužem periodu ili prisutnost novih trendova i tendencija.

Nakon donošenja Odluke, utvrđena su strateška pitanja, definiran je opći cilj/načelo razvoja: „Upravljanje u funkciji rasta" i strateški cilj: „Ubrzati proces tranzicije i izgradnje kapaciteta". Nakon toga je definisan srednjoročni cilj Ministarstva sigurnosti BiH:

Srednjoročni cilj: „Unaprjeđenje sigurnosnog sektora u BiH sa aspekta odgovornosti i efikasnosti".

U prvom kvartalu 2017. godine, na radnim sastancima predstavnika Ministarstva sigurnosti BiH, Ministarstva finansija i trezora BiH i Direkcije za ekonomsko planiranje BiH na kojima su prisustvovali službenici za finansije koji se bave planiranjem proračuna, te službenici angažirani na poslovima srednjoročnog planiranja institucije, izvršena je izmjena/inoviranje programske strukture MSBiH u skladu sa smjernicama koje su dobijene na pomenutim sastancima.

Inovirani specifični ciljevi i programi Ministarstva sigurnosti BiH u srednjoročnom periodu 2020 – 2022. godine su:

Specifični cilj 1: „Unapređenje međunarodne saradnje i perspektiva BiH u oblasti sigurnosne politike",

Specifični cilj 2: „Zaštita društva od nezakonitih aktivnosti i krivičnih djela uz aktivnosti praćenja i analize svih oblasti iz nadležnosti institucije".

Program: 1) Saradnja sa međunarodnim institucijama u oblasti sigurnosne politike,

Program 2) Obezbjedenje efikasnog i efektivnog sigurnosnog sektora.

Posebni ciljevi utvrđivanja nove programske strukture su harmonizacija i koordinacija procesa planiranja u Vijeću ministara i institucijama Bosne i Hercegovine, optimalna alokacija resursa na prioritetne zadatke i projekte, kao i unaprjeđenje procesa praćenja programa, planova i izvještavanja o realizaciji.

### Spisak važećih strateških dokumenata Ministarstva sigurnosti BiH

Strategija BiH za prevenciju i borbu protiv terorizam; Strategija Bosne i Hercegovine za borbu protiv organizovanog kriminala; Strategija za sprečavanje pranja novca i finansiranje terorističkih aktivnosti u Bosni i Hercegovini; Državna strategija nadzora nad opojnim drogama, sprječavanja i suzbijanja zloupotrebe opojnih droga u BiH; Državni akcioni plan borbe protiv zloupotrebe opojnih droga; Strategija i Akcioni plan integrisanog upravljanja granicom u Bosni i Hercegovini; Strategija za kontrolu malog oružja i lakog naoružanja u BiH; Strategija u oblasti migracija i azila i Akcioni plan; Akcioni plan suprotstavljanja trgovini ljudima u Bosni i Hercegovini; Strateški program Certifikacija podregistara NATO tajnih podataka.

## Poglavlje 2: Vizija i misija institucije

### MISIJA

Ministarstvo sigurnosti/bezbjednosti BiH se bavi uspostavljanjem i održavanjem modernog zakonodavnog okvira, unaprijeđenjem međunarodne saradnje i provođenjem aktivnosti u oblastima koordinacije, zaštite granica, migracija i azila, zaštite i spašavanja, zaštite tajnih podataka, zaštite elektronskih podataka, primjene IKT sistema, opće sigurnosti, borbe protiv svih oblika kriminala, terorizma i korupcije, a sve u cilju stvaranja sigurnog okruženja za građane BiH.

### VIZIJA

Efikan sistem sigurnosti sa uspješnom koordinacijom policijskih agencija u cilju nesmetanog funkcionisanja sigurnosnog sektora u Bosni i Hercegovini.

## Poglavlje 3: Učesnici i partneri

U sastavu Ministarstva sigurnosti BiH kao upravne organizacije su: Državna agencija za istrage i zaštitu, Granična policija Bosne i Hercegovine, Direkcija za koordinaciju policijskih tijela Bosne i Hercegovine, Služba za poslove sa strancima BiH, Agencija za forenzička ispitivanja i vještačenja BiH, Agencija za školovanje i stručno usavršavanje kadrova BiH i Agencija za policijsku podršku BiH.

Upravne organizacije svoju operativnu samostalnost iskazuju kroz samostalno planiranje i izvještavanje o ostvarivanju svojih godišnjih i srednjoročnih planova, neovisno od Ministarstva. Zajednička saradnja kroz planiranje i izvještavanje MSBiH sa upravnim organizacijama se najčešće ogleda kroz rad u radnim grupama na nivou Vijeća ministara BiH pri izradi zakona, strategija i sličnih dokumenata.

### Učesnici

Državna agencija za istrage i zaštitu (SIPA) definirana je kao upravna organizacija Ministarstva sigurnosti BiH sa operativnom samostalnošću, čije su nadležnosti sprečavanje, otkrivanje i istraga krivičnih djela iz nadležnosti Suda BiH, a posebno organiziranog kriminala, terorizma, ratnih zločina, trgovine ljudima i drugih krivičnih djela protiv čovječnosti i vrijednosti zaštićenih međunarodnim pravom, te teškog finansijskog kriminala, zatim fizička i tehnička zaštita osoba i objekata, zaštita ugroženih svjedoka i svjedoka pod prijetnjom i drugi poslovi iz njenog djelokruga koji su određeni ovim zakonom.

Granična policija Bosne i Hercegovine upravna je organizacija u sastavu Ministarstva sigurnosti BiH, s operativnom samostalnošću, osnovana radi obavljanja policijskih poslova u vezi s nadzorom i kontrolom prelaska granice BiH i drugih poslova propisanih zakonom. Granična kontrola obavlja se na 83 granična prijelaza, od kojih je 55 međunarodnih i 28 za pogranični saobraćaj. Vremenom smo postali savremena policijska agencija koja je samostalno i u saradnji učinila mnogo na suzbijanju ilegalnih migracija, te u borbi protiv svih vrsta prekograničnog kriminala, što je doprinijelo stvaranju i održavanju sigurnosti državne granice, a time i opće sigurnosti u našoj zemlji i njenom okruženju.

Poslovi iz nadležnosti Direkcije za koordinaciju policijskih tijela Bosne i Hercegovine su razvijati i jačati komunikaciju, koordinaciju i saradnju između policijskih tijela BiH i njihovu saradnju sa odgovarajućim tijelima u BiH u skladu sa najboljim praksama i standardima EU u pravcu učinkovitijeg suprotstavljanja svim oblicima kriminaliteta; uspostavljati i unapređivati međunarodnu operativnu policijsku saradnju radi

učinkovitijeg suprotstavljanja međunarodnom kriminalitetu; kontinuirano unapređivati zaštitu VIP osoba i objekata; pravovremeno osigurati objedinjene informacije o sigurnosnom stanju u Bosni i Hercegovini za nadležna policijska i druga tijela u BiH i kontinuirano jačati kapacitete za podršku i upravljanje u pravcu kvalitetnijeg obavljanja poslova iz nadležnosti Direkcije.

Služba za poslove sa strancima BiH se bavi: prvenstveno nadzorom i kontrolom nad kretanjem i boravkom stranaca u Bosni i Hercegovini, kroz obavljanje administrativno-upravnih i inspeksijskih poslova. Obavljanjem administrativno-upravnih poslova Služba odlučuje o statusu stranaca u BiH, kroz odobravanje ili odbijanje boravka stranaca u zemlji, kao i o odbijanju boravka, otkazu boravka i udaljenju stranaca iz zemlje.

Agencija za forenzička ispitivanja i vještačenja BiH je uspostavljena radi obavljanja poslova iz svoje nadležnosti, kao što su: balistička i mehanoskopska vještačenja; hemijska i toksikološka ispitivanja; daktiloskopska vještačenja; grafološka vještačenja; biološka ispitivanja; biohemijska ispitivanja; analize DNK; vještačenje požara i eksplozija; standardizacija rada na terenu; specijalističke obuke; pružanje stručne pomoći ostalim tijelima iz ovog zakona; vođenje evidencije, statistika i baza podataka, te ostale poslove propisane zakonom i drugim propisima.

Agencija za školovanje i stručno usavršavanje kadrova BiH je nadležna za: razvijanje, usklađivanje i predlaganje nastavnih planova i programa obuke u skladu s potrebama policijskih tijela BiH i drugih službi te agencija iz oblasti sigurnosti; organiziranje i provedba školovanja i stručnog osposobljavanja i usavršavanja pripadnika policijskih tijela BiH i drugih službi i agencija iz oblasti sigurnosti (temeljna, specijalistička, stalna i drugi vidovi policijske obuke).

Agencija za policijsku podršku kao institucija osnovana da obavlja logističke poslove za sigurnosni sistem Bosne i Hercegovine, upravna je organizacija u okviru Ministarstva sigurnosti BiH s operativnom samostalnošću. Njene djelatnosti su fokusirane na analiziranje i unapređivanje uslova i okruženja u kojima rade policijska tijela BiH. To se posebno odnosi na podizanje nivoa opremljenosti policijskih službenika putem nabavke kvalitetnog naoružanja i opreme, stvaranje pravnog okvira koji će omogućavati efikasnost i pravovremenost djelovanja policije u datim uslovima, te uvođenje najnovijih IT tehnologija u rad policije što omogućava povezivanje i obavljanje policijskih poslova u skladu sa standardima najrazvijenih država svijeta.

Izvjesno je da će velik dio napora Ministarstva sigurnosti i u narednom periodu biti usmjeren prema jačanju saradnje i komunikacije sa postojećim institucijama za provedbu zakona, kako na nivou BiH (Državna agencija za istrage i zaštitu, Granična policija, Služba za poslove sa strancima, Direkcija za koordinaciju policijskih tijela, Agencija za forenzička ispitivanja i vještačenja, Agencija za školovanje i stručno usavršavanje kadrova i Agencija za policijsku podršku) tako i na entitetskim i nižim nivoima vlasti.

Partneri Ministarstva sigurnosti BiH su prije svih predstavnici akademske zajednice u BiH, nevladinih i međunarodnih organizacija, prije svega na izradi i finansiranju određenih programa i projekata.

#### Poglavlje 4: Osnovna programska opredjeljenja

Jedini način da Ministarstvo sigurnosti BiH ispuni sve svoje obaveze na putu ka evropskim integracijama, te da ispuni očekivanja građana, kao i očekivanja svojih uposlenika i ključnih partnera, je da usmjeri sve raspoložive resurse u kontinuirano

institucionalno jačanje i fokusira svoj pristup na planiranje budućeg razvoja. Ovaj srednjoročni plan (njegov dvanaesti ciklus u MSBiH) upravo bi trebalo da pruži sistematski i održiv pristup u pogledu utvrđivanja prioriteta, planiranja i raspodjele resursa, da demonstrira institucionalnu predanost pred ključnim izazovima, te da osigura mehanizme za pregled i kontrolu učinka i u uslovima restriktivnog budžetiranja, kao i postupku reforme javne uprave.

Zbog činjenice da je napredak u sigurnosnom sektoru u BiH moguć samo uz visok nivo saradnje i koordinacije ključnih aktera, ovaj Srednjoročni plan, ima za cilj da pruži smjernice djelovanja u Ministarstvu, informira i upućuje na saradnju njegove strateške partnere, kako bi zajedno ostvarili viziju u kojoj bi se građani BiH osjećali sigurnije i u najvećoj mjeri zaštićeno od kriminala.

Ovaj dokument je zbir programskih i kadrovskih projekcija organizacionih jedinica Ministarstva za period 2020.-2022. godine i ne bi trebalo da bude shvaćen kao statičan, nego dinamičan dokument. On je sastavni dio kontinuiranog i trajnog procesa poboljšanja učinka i načina rada Ministarstva sigurnosti koji će omogućiti ostvarenje postavljene misije i zacrtanih ciljeva. Njegova svrha je primarno da u jednom okviru planiranja i praćenja (uz funkciju ranog upozorenja na rokove) objedini sve prioritetne zahtjeve koje Ministarstvo treba da realizuje na putu evropskim integracijama, ali i da predvidi i planira resurse potrebne za njihovu realizaciju.

Evropska unija je u decembru 2014. godine započela novi pristup prema Bosni i Hercegovini, koji predviđa novi redoslijed uslova kako bi zemlja napredovala ka EU i riješila preostale društveno - ekonomske izazove sa kojima se suočava. Ovo je dovelo do stupanja na snagu Sporazuma o stabilizaciji i pridruživanju (SSP) između Bosne i Hercegovine i Evropske unije 1. juna 2015. godine. SSP je zamijenio Privremeni sporazum (PS) koji je bio na snazi od 2008. godine. Glavom VII Sporazuma o stabilizaciji i pridruživanju Bosna i Hercegovina preuzela je niz obaveza iz oblasti jačanja institucija i vladavine prava, migracija, azila, upravljanja granicom te borbe protiv kriminala i terorizma.

Evropska komisija (EK) je objavila Mišljenje o zahtjevu Bosne i Hercegovine za članstvo u Evropskoj uniji čiji je sastavni dio Analitički izvještaj u kojem je EK analizirala trenutnu situaciju u BiH. U narednom periodu bi prema zaključcima i preporukama iz Mišljenja EK Bosna i Hercegovina trebala jačati prevenciju i borbu protiv korupcije i organiziranog kriminala, uključujući i borbu protiv pranja novca i terorizma, i osigurati efikasno funkcionisanje sistema upravljanja granicama, migracijama i azilom.

Ministarstvo sigurnosti BiH svoje prioritete i u narednom periodu nastoji postavljati u skladu sa prioritetima koji proizlaze iz Mišljenja o zahtjevu Bosne i Hercegovine za članstvo u Evropskoj uniji.

Pored specifičnih obaveza koje se odnose na sektor sigurnosti, Ministarstvo sigurnosti se tokom procesa evropskih integracija mora koncentrisati na izvršavanje svojih nadležnosti, kako bi moglo zadobiti povjerenje i kredibilitet kod partnerskih institucija Evropske unije, kao i institucija zemalja članica. Ministarstvo ima i obavezu, kao i svi ostali organi javne uprave, da realizuje čitav niz mjera koje se odnose na reformu javne uprave.

Ministarstvo sigurnosti BiH je, radeći na realizaciji planova i principa Ureda koordinatora za reformu javne uprave u BiH, uradilo sljedeće dokumente i s njima povezane akcione planove: Program rada Vijeća ministara (višegodišnji i godišnji), Planove zakonodavnih aktivnosti Ministarstva prema Vijeću ministara za 2017, 2018. i 2019. godinu, izvještaje o radu Ministarstva za 2016, 2017. i 2018. godinu (kao separat

izvještaja o radu Vijeća ministara BiH). Ovakve aktivnosti nastaviti će se i u narednom srednjoročnom periodu.

Dakle, od Ministarstva sigurnosti BiH se očekuje ne samo da učestvuje direktno u realizaciji specifičnih i konkretnih mjera koje uslovljava Evropska unija, već i da aktivno radi na onim programima i projektima koji vode unapređenju efikasnosti i profesionalnosti u radu, te na onim obavezama koje proističu iz Strategije i akcionog plana za reformu javne uprave.

Postoji niz obaveza koje BiH treba ispuniti na svom putu ka evroatlanskim integracijama, a s tim u vezi od Ministarstva sigurnosti se očekuje da u narednom periodu intenzivira svoj rad u sljedećim oblastima koje su u njegovoj nadležnosti: zaštite granica, migracija i azila, zaštite i spašavanja, zaštite tajnih podataka, zaštite elektronskih podataka, opšte sigurnosti, borbe protiv svih oblika kriminala, terorizma i korupcije, primjene IKT sistema u svim oblastima iz nadležnosti Ministarstva.

#### Poglavlje 5: Resursi i kapaciteti potrebni za postizanje ciljeva

Već je izvjesno vrijeme u procesu usvajanja novi Pravilnik o sistematizaciji radnih mjesta Ministarstva sigurnosti BiH, rađen s namjerom racionalizacije i ekonomičnosti u skladu sa reformom javne uprave u BiH. Strategija reforme javne uprave (RJU) ima za cilj reformisanje javne uprave u BiH, u cilju postizanja značajnog unapređenja uprave u BiH tokom naredne decenije. Reforma predstavlja preduslov za integraciju BiH u Evropsku uniju (EU), koja upravne kapacitete, kao i sposobnost usvajanja i provedbe osnovnih propisa EU (Acquis communautaire) smatra glavnim uslovom za članstvo u EU.

Zaključno sa 31.05.2019, od ukupno 235 pozicija predviđenih aktuelnim Pravilnikom, 183 je popunjeno, odnosno kadrovska popunjenost je 77%. Provedba reforme je izuzetno važna u smislu uspješnog ostvarivanja ambicija BiH za članstvom u EU. Iskustva iz drugih zemalja centralne i istočne Europe pokazuju da put ka članstvu u EU nameće ogromne zahtjeve državnoj upravi. Naravno, uspjeh svake zemlje da pristupi EU uveliko ovisi o njenoj sposobnosti da provede reforme.

Reformom se zahtijeva unapređenje općih upravnih kapaciteta putem reforme osnovnih horizontalnih sistema i upravljačkih struktura, kao što su: kapaciteti za donošenje politika i koordinaciju, javne finansije, ljudski potencijali, upravni postupak, institucionalna komunikacija, informacione tehnologije.

#### Poglavlje 6: Okvir za praćenje provođenja plana i evaluacija rezultata

Obaveza pripreme Nacrta srednjoročnog programa rada Vijeća ministara BiH regulisana je Odlukom o postupku srednjoročnog planiranja, praćenja i izvještavanja u institucijama Bosne i Hercegovine, kojom je propisano da se Nacrt srednjoročnog programa rada Vijeća ministara BiH za naredni trogodišnji period pripremi i uputi Vijeća ministara BiH najkasnije do 31. maja tekuće godine. Istovremeno je članom 5. stav 1 iste Odluke utvrđeno da Direkcija za ekonomsko planiranje BiH (DEP) pokreće pripremu srednjoročnog programa rada Savjeta ministara BiH dostavljanjem Instrukcije za izradu Srednjoročnog programa rada Vijeća ministara institucijama BiH najkasnije do 31. januara. članom 5. stav 3. Odluke je propisano da će na osnovu ove Instrukcije institucije BiH dostaviti Direkciji za ekonomsko planiranje BiH elemente za pripremu Srednjoročnog programa rada Vijeća ministara BiH najkasnije do 15. marta tekuće godine.

Proces srednjoročnog planiranja u MSBBIH se provodi također na godišnjem nivou za naredne tri godine tako što se trogodišnji Srednjoročni plan ažurira jednom godišnje. Proces izrade Srednjoročnog plana se odvija uporedo i u skladu sa planiranjem Godišnjeg programa rada MSBBIH, koji čini sastavni dio Programa rada Vijeća ministara BiH. Ciljevi uspostave struktuiranog sistema planiranja, praćenja i izvještavanja u MSBBIH su efikasnija i učinkovitija upotreba resursa (materijalnih, finansijskih i ljudskih), bolja interna i eksterna komunikacija i bolje donošenja odluka na nivou MSBBIH. Srednjoročni plan je sveobuhvatan dokument koji konsoliduje strateške obaveze MSBBIH za naredne tri godine (a koje se ažuriraju svake godine) i Godišnji program za tekuću godinu. Nakon usvajanja od strane ministra sigurnosti, konsolidovani dokument Srednjoročnog plana MSB BIH se unosi u PIMIS sistem i Sistem za praćenje provedbe Srednjoročnog plana MSBBIH i rano upozoravanje, te se kao takav ne može dalje mijenjati do naredne odluke Ministra.

Konsolidovani cilj: Unaprijeđenje sigurnosnog sektora u BiH sa aspekta odgovornosti i efikasnosti

Pokazatelj uspjeha: 1) Stepen realizacije preporuka EU koje se odnose na sigurnosni sektor 2) Stepen harmonizacije propisa

Izvori verifikacije: Izvještaj Evropske komisije za BiH, zakoni, podzakonski akti, strateški dokumenti, akcioni planovi, informacije o provođenju politika, informacije o stanju sigurnosti u BiH, Sistem za rano upozoravanje MSBBIH, javne rasprave i pribavljena mišljenja relevantnih institucija i akademske zajednice.

Pokazatelj za specifične ciljeve: Stepen realizacije planiranih aktivnosti

Osnovni zaključci prethodnog Izvještaja o provođenju plana rada iz svoga Programa rada za 2018. godinu, Ministarstvo je u izvještajnom periodu imalo 236 programskih zadataka, koji su na kraju godine realizirani u procentu od 91,94%. Imajući u vidu i da je u 2018. godini, ispunjen značajan broj neplaniranih obaveza prema Vijeću ministara BiH – 42, kao i realizaciju planiranih obaveza - 42, može se reći da su postignuti vrlo dobri rezultati u radu Ministarstva, jer je ukupan broj realiziranih zadataka i obaveza koje su razmatrane ili usvojene na Vijeću ministara Bosne i Hercegovine iznosio – 84, što je pozitivno odstupanje (prebačaj) od planiranih zadataka i obaveza (Zbir planiranih-urađenih i neplaniranih-urađenih obaveza daje ukupnu realizaciju Ministarstva.)

Kada je riječ o konkretnim izazovima u provođenju Programa rada Ministarstva sigurnosti BiH za 2018. godinu, mogu se navesti: migrantska kriza <sup>1</sup>i svakodnevni izazovi koje donosi tempo harmonizacije propisa sa Evropskim pravnim naslijeđem, poboljšanje tehnologije u prikupljanju potrebnih policijskih podataka i statistika i s tim u vezi, jačanje međunarodne saradnje, te nedostatak i sporst u donošenju zakonskih, podzakonskih akata i međunarodnih ugovora.

Ministarstvo sigurnosti je u saradnji s nadležnim institucijama, izradilo Informaciju s Akcijskim planom hitnih mjera koje se trebaju hitno poduzeti s fokusom na nezakonite migrante i propusnost granice prije svega sa istočnim susjedima Bosne i Hercegovine, a koja je usvojena na 142. sjednici Vijeća ministara BiH, 15.05.2018. godine. Akcijski plan hitnih mjera (kao zaseban dokument), sadrži pet prioriteta, 17 mjera i 73 aktivnosti, čija će realizacija, uz ostale dokumente ovakve vrste, biti jedan od zadataka Ministarstva i upravnih organizacija u sastavu Ministarstva sigurnosti BiH i u narednom period.

---

<sup>1</sup> Ministarstvo sigurnosti je sačinilo 21 informaciju o stanju u oblasti migracija u Bosni i Hercegovini, koje su 2018. godini razmatrane u na sjednicama Vijeća ministara BiH, u vezi s povećanim prilivom migranata u Bosnu i Hercegovinu.

Ministarstvo je u 2018. godini radilo i na definiranju aktuelnih sigurnosnih izazova u Bosni i Hercegovini i strategija za njihovo rješavanje, što se reflektiralo kroz usvajanje Državne strategije nadzora nad opojnim drogama, sprječavanja i suzbijanja zloupotrebe opojnih droga u Bosni i Hercegovini za period 2018-2023. godine. Obzirom da je odredbama Zakona o sprječavanju i suzbijanju zloupotrebe opojnih droga propisano da Parlamentarna skupština BiH, na prijedlog Vijeća ministara BiH, donosi Državnu strategiju o drogama, Predstavnički dom Parlamentarne skupštine BiH je na 60. sjednici, održanoj 18.04.2018. godine, a Dom naroda Parlamentarne skupštine BiH na 39. sjednici, održanoj 15.05.2018. godine usvojio Prijedlog Državne strategije nadzora nad opojnim drogama, sprječavanja i suzbijanja zloupotrebe opojnih droga u Bosni i Hercegovini za period 2018-2023. godine. („Službeni glasnik BiH“, broj 70/18).

Prevenција i borba protiv terorizma bila je i u 2018. godini visoko na listi prioriteta Ministarstva. Tijelo za nadzor nad provedbom Strategije BiH za prevenciju i borbu protiv terorizma, čiji rad rukovode i administriraju predstavnici Ministarstva je nastavilo sa ispunjavanjem i redovnom evaluacijom provedbe ciljeva iz NATO dokumenata IPAP.

**MINISTAR**

**DRAGAN MEKTIĆ**

---

M.P.